

Vil ha flyplass i Vågå likevel

Av Ketil Sandviken

VÅGÅ: Drømmen om Gudbrandsdal Lufthavn på Tolstaåsen er i ferd med å slokke sjølv hos dei største entusiastane, men nå ser det ut til at det likevel kan bli flyplass i Vågå. Drammen flyklubb rettar i alle fall ein formell forespørsel om det er mogleg å få etablert ei lokal flystripe i Vågå, med ønske

om seriøs behandling i kommunestyret.

Drammen flyklubb har arrangert seglflyleir i Vågå i 13 sesongar, første gong i 1989. Med unntak av to år har dette vore ei årleg tilstelling på Vågåvassisen i påskeveka. Klubbleiaren skriv at det har vore svært vellykka, trass i store utfordringar.

«Med den erfaring vi har opparbeidet, har vi skjont at

Vågå har av verdens beste seilflyforhold. Dette skyldes meteorologiske, topografiske og geografiske forhold som er svært unike», skriv Lund, og legg til at det vart sett Norgesrekord i Vågå for to år sia. Isen eignar seg godt, men kan brukast over ei relativt stutt periode. Drammen flyklubb ønskjer seg permanent flyplass heile året.



Drammen flyklubb har arrangert seglflyleir på Vågåvassisen i 13 påsker, nå ønskjer klubben ein permanent flyplass på Vågågrunn. (Arkivfoto)